

Speranza perdi?


CANDELA NA CAS HISTORICO: DECEPCION PA INSTITUTO DI CULTURA

ORANJESTAD (AAN) - Manera a ser publica den diferente ocasion, Evelino Fingal, den su calidad di director interino di Instituto di Cultura, unda Museo Arqueologico ta cay aden, a pidi gobierno e opcion pa haya e edificio situa entre Wilhelminastraat y Schoolstraat cu a kima ayera den un candela, pa drecha e lugar di manera cu e museo por a bini aden.

Di manera breve, redaccion ta haci un relato riba e situacion di Museo Arqueologico cual no ta ni un asunto nobo, y "ta secreto publico" ya cu hasta turistanan cu ta bishite

ta haya cu e instalacion no ta adecuado pa un instancia di tal importancia. For di hopi tempo pasa proyecto a bin proyecto a bay pa busca un lugar adecuado pa Museo Arqueologico, sin yega na ningun acuerdo pa un of otro motibo, entre nan pa falta di financiamiento pa cumpra cierto construccion, manera tabata e caso di e cas di famia Ecury cu a worde ofreci na gobierno pa bon prijs, pero cual fondonan pa cumple Hulanda a nenga.

Asina, despues di otro posibilidadnan a bini acerca incluyendo otro edificio situa na waf, cu gobierno tin indi-



cacion cu gobierno ta negociando cu famia Harms pa traha un hotel mas den ciudad.

E ultimo opcion tabata e tristemente yama "chollerhouse di Wilhelminastraat", cual situacion deplorable tabata un ofensa pa un edificio

cu den pasado tabata un belleza, pero cu a worde laga den man di hende cu no tin ni pariba ni pabao cu a tuma e lugar pa biba, acompaña pa un ehercito di djaca, y pa use como w.c y como dump, ademias pa procesa droga aden, loke DIARIO a trece dilanti ora a drenta conversa cu

varios drogadicto y por a mira con nan ta kima droga eyden.

Den conversacion cu Evelino Fingal el a bisa cu e suceso aki ta hopi tristo y lamentable.

"Oficialmente mi no sa con hopi e daño ta, si e ta irreparable of cual paso lo bay tuma, pero aparentemente tin chance pa bashe abao completo y si esey ta asina, unico cos cu mi por bisa ta cu esey ta pica!". E proyecto tabata pa Museo Arqueologico bini aden. Pero toch nos ta bay sigui bringa pa haya un espacio pa nos piezanan historico

no bay perdi", el a comenta.

For di e punto di bista civilico, como ciudadano, tanto Evelino Fingal como Vivi Ruiz, a indica cu loke a pasa ta muestra cu mester pone hopi mas atencion na preservacion di monumentonan nacional, of di loke ta resta di nan.

"Loke a pasa ta indica cu atencion pa nos monumentonan historico ta laga hopi di desea. No tin hopi di nan ta restando y ta di lamenta cu tur e afan di progreso ta lagando un banda Aruba su identidad", Evelino a bisa.